

宁古塔地方乡土志

咨

宁古塔副都统为将采访志书事蹟造册咨送事。

钦命宁古塔副都统军功花翎富为造册咨送事。右司案呈于四月十三日，准钦命头品顶戴督办吉林边务事宜，镇守吉林等处地方将军，兼理打牲乌拉拣选官员等事，兼署吉林副都统恩特赫恩巴图鲁长咨开：案据署吉林分巡道同勋详，据志书局纂修候补同知郭锡铭称，案蒙本署道扎委纂修志书，并颁发志书局章程，飭令遵办。卑职当将开局日期，报明在案。伏查章程内开，丰前道详明咨扎各旗署，并札发各属采访目录，按照内载事蹟，详加采访送省汇办，等因卑局现值开办之际，就有各城各属采访之件，如已送齐，拟请飭发到局，以便汇核办理。其间如有来尽事宜，再请飭令续行采访，以昭核实。除将开局日期由卑局行知各府，厅，州县外，其各城副都统并各旗署应请转请军宪咨札行知，以便嗣后续行采访。所有卑职请发各处送省事宜，查照汇纂缘由，理合呈请查核，转请咨札等情到道。据此，职署道覆查无异，除将各民署送到志书事宜清册，札发汇纂，并将尚未造送各属分别札催外，理合详请查核。俯赐分别咨札各旗属。将前项采访志书事宜，迅速采访，详造细册呈送，飭发下道，以便发局汇纂等情。据此，除分咨外，相应咨会。为此，合咨副都统衙门请烦查照，将前项采访志书事蹟，飭造清册二本，迅速送省施行。等因前来详查。前奉省咨，业将宁古塔地方采访志书事宜两次造册，咨送在案。今准来咨，复行造具采访志书清册二本，一并鈐印，呈请备文附封咨送。为此咨报钦命将军衙门查核可也，须至咨者。

右咨，钦命头品顶戴督办吉林边务事宜镇守吉林等处地方将军、兼理打牲乌拉拣选官员等事兼署吉林副都统恩特赫恩巴图鲁长。光绪十七年五月初一日宁古塔副都统衙门为咨送宁古塔地方遵文采访掌故事蹟，造具清册事，计开：

本朝建置沿革

天聪八年设官兵遥远堡，崇德三年移此镇守宁古塔，顺治十年设昂邦章京，康熙元年改镇守宁古塔等处将军，十五年移镇吉林乌拉，宁古塔留副都统守之。

宁古塔城池

在吉林省城东相距八百里，现筑土墙，高一丈二尺，周围五百八十五丈，东西西南各一门。相距城南有虎儿哈河，今俗称牡丹江，康熙五年由旧城迁此，将军巴海监造。十五年将军移驻吉林，设副都统镇守宁古塔旧城。城西北相距五十里海兰河。南有石城，高一丈，周围一里，东西各一门，城外边墙五里余，四面四门。昂邦京章吴把哈巴。

旧东京城

在城西南七十里胡尔哈河之南，周围三十里，四面七门。内城周围五里，东西西南各一门，内有宫殿旧基，则金时遗址也。城外南隅有石佛一座。驿站宁古台站西至塔拉站，八十里至沙兰站，七十里至必尔罕河站，六十里至塔拉站。宁古塔南至瑯春站：七十里至新官地站，五十里至玛勒瑚哩站，六十里至老松岭站，八十里至萨奇库站，七十里至虎珠岭站。仕宦

宁古塔副都统一员，协领二员，原设佐领八员。康熙三十八年添设佐领一员，五十二年添设佐领一员，乾隆二十五年添设佐领二员。原设防御五员，康熙五十二年添设防御三员，乾隆三十年添设防御四员，道光六年裁汰四员。原设骁骑校六员，康熙五十二年添设骁骑校四员。乾隆五十五年添设二员。康熙三十五年添设仓官一员，衙门笔帖式四员，左、右司各二员，仓笔帖式二员，驿站笔帖式三员。雍正五年添设无品级委教习二员，同治九年由笔帖式内添设满教习一员。光绪六年添设承办处笔帖式一员。光绪八年添设玛勒瑚哩、萨奇，库塔拉等三站笔帖式三员。光绪十五年添设印务处笔帖式二员。乾隆二十七年由兵内拣放印务处左右司官参局委笔帖式各一员。乾隆二十七年由前锋内拣放委前锋校四员。乾隆二十七年由领催内拣放委官二十二员。原设甲兵五百三十一名，康熙三十八年添设十一名，五十二年添设四百五十八名。乾隆二十五年添设三百五十名，二十六年添设五十名。道光六年裁汰八十名，现有领催七十二名，前锋四十名，兵一千二百零八名。其世袭骑都尉、云骑尉、恩骑尉、荫监生等官，随增随减，并无定额。

宁古塔将军

巴海：满洲镶兰旗人。顺治十六年昂邦章京驻防，康熙元年升镇守宁古塔等处将军，十五年移驻吉林乌拉。音图：满洲人、正红旗人。康熙二十二年任。终保，满洲人。康熙二十八年任。沙那海：满洲人。康熙三十五年任。杨福：正兰旗人，宗室。康熙三十九年任。蒙古洛：镶兰旗人，觉罗。康熙四十八年任。穆森：满洲人。康熙五十四年任。巴赛：镶兰旗人，宗室辅国公。康熙五十六年任。哈达：满洲人。雍正五年任。常德：满洲人，镶黄旗人。雍正八年任。都赉：满洲人。雍正十年由副都统署任。副都统海塔：满洲人。顺治十五年任。尼喀哩：满洲人。顺治十五年任。满贵：满洲人。顺治十八年任。满丕：满洲人。康熙六年任。湖巴克泰：满洲人。康熙六年任。安珠瑚：满洲人。康熙六年任，蒯齐，满洲人，正白旗人。康熙十年任。席三：正兰旗人。康熙十五年任。萨普苏：满洲人，镶黄旗人。康熙十七年任。雅泰：正红旗人。康熙二十二年任。根头：满洲人。康熙三十三年任。保定：满洲人。康熙三十八年任。嘎尔图：满洲人。康熙四十二年任。马奇：满洲人。康熙四十六年任。阿岱：吉林满洲正红旗人。雍正元年任。常德：满洲人。雍正五年任。巴尔代：满

洲人，正白旗人。雍正十一年任。图那：满洲人。乾隆十年任。阿尔嘎泰：满洲人。乾隆十八年任。阿尔德恩，觉罗乾隆十八年任。除图肯：满洲人。乾隆二十一年任。神通阿：满洲人。乾隆二十一年任。和绷阿：满洲人。乾隆二十四年任。富僧阿：满洲人。乾隆二十五年任。增海：满洲人。乾隆二十八年任。常升：满洲人。乾隆三十年任。明亮：额附。乾隆三十三年任。富珠哩：多呼额附。乾隆四十二年任。达色：满洲人。乾隆四十三年任。安林：满洲人。乾隆四十九年任。那奇泰，满洲人。乾隆五十五年任。庆林：满洲人。乾隆六十年任。富尼山：满洲人。嘉庆四年任。郭尔明阿：满洲人。嘉庆七年任。富登阿：满州人。嘉庆十年任。德宁阿：满洲人。嘉庆十五年任。达斯胡尔代：满洲人。嘉庆二十年任。和福：满洲人。道光四年任。说德：满洲人。道光十年任。依尔栋阿：吉林满洲镶兰旗人。道光十二年任。乌勒德山：满洲人。道光二十年任。班迪：满洲人。道光二十八年任。巴栋阿：满洲人。咸丰元年任。喀通阿：满州人。咸丰九年任。乌勃兴阿：黑龙江满州人。同治五年任。双福：伯都讷满州人。光绪元年任。德平阿：吉林蒙古人。光绪六年任。容山：都京满洲正黄旗人。光绪九年任。富：吉林满洲正红旗人。光绪十三年任。

官署

宁古塔副都统公署大堂五间，后堂七间，左司八间，内有承办处二间，右司六间、相连公仓办事官房三间。康熙五年建仪门一座，大堂三间。康熙五年建大堂之东银库三间、印楼一间，看库巡更房二间。大堂之西果木楼二间，修理箭杆匠役等住房三间。雍正四年建仪门前左傍前锋营三间，右门傍虎枪营三间，相连番役厅事房二间。康熙三十八年改修大门之左右西翼办事房各三间，衙署周围板墙八十五丈。乾隆五十六年改为官修看守城垣三门巡更房各二间，原系兵力捐修。乾隆三十一年改为官修。城内南门里副都统居住正房五间，左右厢户各三间，二门一座，二堂五间，左右配房各二间，仪门一座，大门三间，东有郭什哈住房四间，西有听事房三间，院墙九十丈，于乾隆四十七年改为官修。又马棚三间，南更门一座，大门外东西板辕门各一间，棚栏四十丈，于乾隆四十八年改为官修。城内东门里北原设公仓八座，每座五间，计四十间。城外东南隅相距二里许，原设义仓六座，每座五间，计三十间。

又城东三里许教场演武厅三间，迤东有原设火药局二间，城内西北隅有囚犯狱一座，狱墙周围二十八丈，狱内囚犯正房三间，巡更西厢房二间，监外官房三间，又巡更房三间。又城外西南原设官参局正房五间，东西厢房各三间，二门一间，东大门三间。学校：城内东南隅文昌庙北有汉义学三间，又添修汉义学五间，于光绪八年建。又北有满义学五间。田赋

宁古塔额征民地四万五千五百十六亩，上则地每亩徵银三分，中则地每亩征银

二分，下则地每亩征银一分。上则地每亩征米六升六合，中则地每亩征米四升四合，下则地每亩征米二升二合。每米一石折银一两。新增乾隆四十六、七年丈出流民垦地一千三百二十一亩，不分等则，每亩征银八分，征米四合年勺二抄五撮，共征银一千六百九十八两四分六厘。按年收库造册报省，以备抵充兵饷。

宁古塔额征税银一千五百八十六两二钱一分二厘八毫，内除给差役饭食银一百五十八两六钱二分一厘二毫八丝外，实剩银一千四百二十七两五钱九分一厘五毫二丝，按年造册报省。以备抵充兵饷。原有当储十一家，每家按年征银二两五钱，于光绪十三年报请开除荒闭当铺六家，现有当铺五家，计征银十二两五钱，按年归入税册内报销，于光绪十三年十二月间奉文另造征信册报省。

征收烧锅票课钱一万吊，按年分为春、秋二季收齐，备抵兵饷。

征收各商七厘，捐钱四千一百吊，又于光绪十三年六月间奉文加添四厘，捐钱二千三百四十二吊八百五十文，二共钱六千四百四十二吊八百五十文，按年春、秋二季解省。征收斗税钱七百吊，内除拨抵税银及津贴衙役等饷银需用外，实剩解省银钱三百七十三吊六百文。

征收盐税钱二百四十五吊六百七十文，于光绪十一年正月奉文。

征收油税钱五百六十八吊四百八十八文，于光绪十年十二月奉文。

征收各商土药行票捐银并无定额，尽收尽解，按三个月造册一次报省。

官莊额纳粮地一千五百六十垧，扎额丁一百三十名，每名应纳谷三十石，共谷三千九百石，按年收入公仓存贮。坛庙

天坛：在城西南相距四里许，胡尔哈河南岸。

先农坛：在城东南相距三里许，在风云雷雨庙内，于道光六年建。

风云雷雨电雪神庙：在先农坛内，道光六年建。

孔圣庙：在城内东南隅，康熙三十二年建。

文昌庙、魁星楼：在城内东南隅孔圣庙之东傍，嘉庆二十三年建。

关帝庙：在城外迤东相距三里许，康熙四年建。其庙院内左傍有文昌庙，右傍有马神庙，大殿后有关圣帝君。

三代神祠：于雍正六年敕修。又东北隅有昭忠祠，嘉庆九年建。后于同治八年奉文移建城东三里许。又关帝庙三处：一在西关路北，其庙院内左有酒仙庙，右有牛王庙，中有木牌楼，对面戏楼，于乾隆四十年建。一在城西十里许倚栏岗。一在兴额哩温车和恩屯，距城北二十里许，在胡尔哈河北岸，依山停水，于乾隆五十年建。

弥勒院：在城南门外路西，乾隆四年建。

三官庙：在城外东北角，康熙二十一年建。

娘娘庙：在三官庙东傍，康熙三十七年建。

依兰岗：在城西相距十里有大山一座，柞树成林，荆棘遮经，山前修有关帝庙一座，庙前宽坦，数里至河。

大牡丹屯石桥：在城西相距三十里有石桥，毗连两座，各阔一丈五尺，系民籍金姓油匠乐善自修。屯内有古庙一座，名曰关帝神祠，前有河川。

沙兰站石桥：在城西相距八十里有木桥一座，阔一丈五尺，长二丈五尺。桥下有河一道，水浅而宽，两岸平坡，河底大石堆垒，迤东有关帝庙一座。

黑石甸子木桥：在城西相距百余里，在黑石甸子石空处，任和尚募建。

觉罗洼子桥：在城北相距四里有桥，毗连两座，一石一木，各阔一丈，长二丈。

小桥子屯：在城东北十三里有桥，毗连两座，一石一木，各阔一丈，长一丈五尺。

胡什哈桥：在城东北相距二十五里有石桥一座，阔一丈，长二丈。

以上各桥通七河官路，随时修葺。渡口

头道渡口，在城西南相距三里，于康熙年间捐置渡船一只。

二道渡口：在城西南相距一里，于康熙年间捐置渡船一只。

三道渡口：在城南街口，于早年间捐置渡船一只。

四道渡口，在城东南十五号原设，捐置渡船一只。

花莲沟渡口：在城东相距五里，于早年间捐置渡船一只。

观音阁，在城西三里许，胡尔哈河北岸。康熙三年建。其院内右傍有地藏庙相接河伯神祠，于道光二十六年建。山门左右有钟、鼓楼各一座。

火神、龙王庙：在城外西北角，康熙四十九年建。

城皇庙：在城东，康熙三十二年建。左傍有瘟神庙，东南隅有土地祠，康熙六十一年建。

山神庙：在城东，乾隆十二年建。

财神庙：在城东牌楼外路北，康熙四十五年建。

天齐庙：在城东，康熙五年建。

老君庙：在城东天齐庙之东傍，康熙五年建。

苗，药、虫王庙：在城东，康熙五十四年建。

三皇庙：在药王庙内。

七圣庙：在药王庙迤东，康熙五十四年建。

地藏庙，在城北三里许，雍正七年建。

古佛寺：在城东南，乾隆四十五年重建。一在城东北乾隆二十年建。

祈雨坛：在观音阁西泼水泉迤西之石上，坛高二尺，周围二丈余，外围墙六丈

。

观音庙：在城东北相距五里，雍正八年建。

关帝庙：在城北七河，乾隆四十八年建。又一在城西八十里许沙兰站，康熙十年建修。

石佛寺：在城西南七十里旧东京城内东南隅，相传金时慈圣太后所建。内有石佛一尊，高两丈余，后石首坠地，有石匠见之欲凿为碾，甫举锤，头忽痛，遂置之。是夕吴汉槎，钱德维等同感异梦，于是举石首凑法像，冶铁固之，故址建刹，至今重修，香火甚盛。石佛座前有石香亭一鼎，高二丈余，周围二丈，向东南歪斜，其形欲倒，历经工匠置之不动。后于同治四年重修庙时又欲正此亭，经工匠百余人仍置不动。后工竣时，工匠俱食午饭，有红云一朵，降雨数点，闻有沥沥之声，众皆出视，其亭自正。

七圣庙：在东京城东南隅有碑，院内右傍有古树一株，周十余围，至今香火甚盛。疆域

宁古塔：界址南至嘎哈里河，距城三百余里珲春界，北至阿穆阿兰河，距城三百余里三姓界，西至都林河，距城二百一十里吉林界，东至瑚布图卡伦，距城五百余里，东北至乌札库卡伦，距城八百余里；其迤东皆系俄界。桥梁

七空桥：在金上京迤北呼尔哈河之间、横河有置石桥七空，现已颓倒，旧迹犹存。又东十五里有横河石桥五空，出水面丈余，业已颓塌，仍存石迹。

大青石桥：在城西相距三里许，阔二丈，长六丈，距上面两傍修砌石柱栏杆，桥下修砌石旋门，中流泉眼一道，名曰泼雪泉，由北向南流水汇入胡尔哈河，至冬不冰。

兴额哩温车恨渡口：在城东北相距二十里，于早年捐置渡船二只。

七河屯渡口：在城东北相距六十里，于早年捐置渡船一只。

牛厂屯渡口：在城西南相距六十里，原设捐置大小渡船二只。

三灵屯渡口：在城西相距七十里，原设捐置大小渡船二只。古迹

德林石：在城西相距九十里，自额穆赫索罗湖东迤沙兰站之南，至虎尔哈河有大石，广二十余里，长一百余里，石面平如镜，洞穴大小不可数，或圆、或方、或六隅八隅，如井、如盆、如池、如口、如盂，其中如洞，深或丈许、或数尺，中有水泉澄然凝碧，夏无蚊虻，马鹿群嬉，名曰德林石，其名义不可解，俗呼为黑石甸子。石缝中鱼或跃或出，入每得之。石甸缝有土，生草木皆白，黄松树即生其处。平甸车马行其上如闻空洞之声，石块或损，便有水从罅隙出，探之深不可测。

海眼：在石头甸子西十里余高山中，方圆八十余里，每日三潮与海相仿。每至仲夏，日初出时，风平浪静，有巨鱼湧出波心，高约三丈，长十余丈，飞鸟不

敢过其上，已午时始没，其出时，众鱼随之，皆浮水面，渔者因其出而网焉，必大获。

三灵坟：在东京城北八里胡尔哈河北岸，有古墓三塚，已璇，旧址尚存。内空阔如许，四围皆石条砌就，迄未悉何人之墓，俗呼古坟。

松音河：在城西南一百里与阿布河并源，出玛尔胡哩窝集，北流入镜泊湖。

镜泊湖：在城西南一百十里许有一大湖，土人呼为必尔滕。源出长白山，群流湊集至此，遂成巨浸，广五六里，长七十余里，湖中有三山，曰峨莫贺帛阿山、阿克善山、牛录山，阿克善、牛录两山之间有岩。曰白岩。湖北岸山巅上建有大庙一所，四面湖水围绕，夏可行舟，非冬令，车马不可奔入。其山尚产佳果而鲜可食，湖西北出枝水，入吊水楼。

吊水楼：在城西南一百里许，镜泊湖西北隅出水处有一崖，高数十丈，名曰胡克图崖。湖水东注，水势汹溪，飞瀑蹶空，沸腾奔浪如雷吼，声闻数里，谓之响水。三、四月间日初出时，水光日色，红绿相映，霞彩缤纷可羨，崖傍奇异草木自发，旁崖四迤，石板零隆，无路可入，非乡人导引弗可自造。而水源无分冬夏如是川流，不能监涸成冰，出由湖源，入归牡丹江之上驶，今称吊水楼。

三道石亮：在城西南相距六十里，下马莲河屯迤东，虎尔哈之河水东流，有南北横河石亮三道，蜿蜒石墙数层，相距不过三里之遥，傍岸陡崖，下游石矾向产褚鱼，两岸临近之家，依亮取鱼为生。山川

二龙山：在城南四十里许，卧龙屯迤南，二山环抱，山间有河一道，香磨二盘，依河水自可成磨，毋庸人工。中间建立观音庵一所向北古刹。此山形似二龙斗珠之貌。向产樵材。

大王山：在城东相距五里，高二里。山上有古城，周围三里，正东西北三面，山陡不可上，南面一门。

博罗哈达山：在城东北十五里许，山形如凉帽。

兴额哩温车恨山：在城北二十里许，山上有关帝庙，

老黑山：在城北三十里许，高三里。山上平坦，周围二十余里，其形如龟头，向东北长五里许入于胡尔哈河，与海浪河会处今称龙头山，高三十丈余，奉官挖壕三道，各深一丈余。

旧卡伦山：在城北，俗称为凤凰山。距城六十余里，高十余丈。据土人言：上有野花池，具鲜羨佳丽无比，或隐或现，现亦不容采取。其山西头，近出五色玉石，近水者愈佳，时经佐傍采取，琢磨成器，而优劣不等焉。

红山：在城西四十里。此山孤立，向来红石如珠，下即牡丹江，产木材。

杏花山：在城西南八十里许，此山宽坦无岖，向产花果。

龙头山：在城西北六十里，旧城之东，入海浪河，奉官挖断。

密占屯：在城西北六十里有大山一座，古岩翠峯，霞光密布，山前隅古茸娘娘庙一寺，土人传言奉旨建修，至今不朽。

旧街：在城西北六十里，原有土城，周围里许，东西两门。距城迤东小山一座，山下水泡一道。

玛尔瑚哩窝集：在城南一百五十里，嘎哈哩河发源于此，岭上有古庙一所曰关帝庙，此涧长十余里，树木稠密，

布葛山：在城西南一百十里，在镜泊湖北岸，高五里，周围一百里。

索尔霍绰河：在城南十里许，源出朔尔贺绰窝集，长白之源，北流入虎尔哈河，今称牡丹江。

平顶山：在城南七十里许，上有庙一所，山巅平铺，周环五里余，向产樵材。

长山：在城南一百里许，此山周环三十余里直达南界，向通老岭，山率高耸，阴时烟雾重叠，峰峦彰翠，

莲花泡：在城西南八十里，金上京迤西二十里许。相传为金时塞外之曲江。此泡向产莲花，根须透于水底，土人呼根为莲藕，无粉而可食。夏日生花红、粉、白三种，映水鲜羨可趣。

北莲花泡：在城北七十五里，南近也河。其泡形似葫芦，而西大东小焉。开于七月初旬，根须透于水底，面藕无粉，可食，其花皆红，映日，尚无别色杂之，其香鲜羨可趣。

瑚尔哈河：即古呼哩改江，源出永吉州界内色齐窝集中，诸河汇为一大河，东注入镜泊，又从镜泊之发库东注，绕城之南，复东北折入混同江。

海兰河：在城西北五十余里，源出海兰窝集，东入虎尔哈河。此河出东珠，向年由吉林乌拉总管珠轩下派官往此捕打贡珠，并产达发哈鱼。

商音必尔罕河：在城东四里。源出商音必尔罕窝集，北流入瑚尔哈河。

塔克通泥河：在城东南四里，源出塔克通阿窝集，北流入瑚尔哈河。

噶哈哩河：在城西一百五十里，源出玛尔瑚哩窝集，南流入土门江琿春界。

玛尔胡哩河：在城西南五十里，与下阿布河并源出玛尔瑚哩窝集，北流汇胡尔哈河，注于镜泊。

阿兰河：在城西一百七十里，源出必尔罕窝集，南流汇朱尔敦河，

阿布河：在城西南六十里。

三道河：在城东南一百二十里许，此河下游入索尔霍绰河，源出老岭，向产梁材大木，顺流至城。

桅虎河：在城西一百三十里，源出必尔罕窝集，南汇必尔罕河。

沙兰河：在城西八十里，源出西北一百里无名小山，南流入虎尔哈河。

必尔罕河，在城西一百四十里。

朱克敦河：在城西一百六十里，三河并源出必尔罕窝集，南汇流入镜泊。

塔兰河：在城西一百八十里，源出必尔罕窝集，南流汇阿兰河。

布泥河：在城西九十里，源出西北一百二十里无名小山，南流汇法尔撒河。

佛多活河：在城西三百三十里，源出色齐窝集，南流汇都林河。

都林河：在城西二百十里，源出色齐窝集，南流汇勒福陈河入镜泊。物产谷之属

稷：《礼记》谓之明粢，明《一统志》作祭，今呼糜子米，晓种早熟，边地尤宜。

黍：稷之粘者为黍，今呼大黄米，可酿酒。

蜀黍：种始自蜀、今呼高粮，土人率多饭此，沤为米粉。

粟：古以未之有稗谷者称粟，今以谷之最细而圆者为粟，谷曰饭谷，米曰小米。按《周礼》九谷六谷之名，有梁无粟，则梁亦粟也。今之小米色黄，即黄梁也，

稗：宜下湿之地，米最甘滑软需。

元菽：有黑、黄二色，形圆而小，其种之田宜湿，畏旱，尚可榨油。则黄色曰元豆，黑曰黑豆。

玉蜀黍：茎叶似蜀黍，子藏包中，俗呼包儿米。

蔬之属

榆蘑：榆树朽根所化，日晒而生，阴干自乱可食。榛蘑：生榛科下，高脚红裹。

松：木之属种类不一，土人以结子者为果松，无子者为杉松，脂多者为油松，赤白松，理细气香，木之贵者，衣冠家作木主多用之，

榆：本地榆类甚多，皆美材，刺榆、花榆尤佳。刺榆大者中为车轴，一名轴榆。《唐风》所谓“山有枢者，此也，花榆理细，宜为几案。几榆臃肿处花纹尤胜，可筋器用，人多珍之。

木耳：宜柞木而生，其色黑则明，色染绸缎取光而为，剩则仍食。

椴：叶大皮黑，纹细微。赤、白、紫椴。边外人参多生椴树之下。

老鹤眼：名李木，坚致有花纹，子赤黑如鸦眼，皮可染色。

花之属

人参：凡初得者曰芽参，时时得皆曰朵子参，霜后得者曰黄草参。参须、参果、参子、参膏无不珍之。高丽人参赞曰：“三丫五叶，背阳向阴。所来求找，椴树之下相寻。”

杏花：春中开放，锦绣。

石榴花：有红、白、黄三种，不结果者名番花石榴。

鸡冠花：形如鸡冠，有黄、红、白数种，

秋海棠：入秋时花色亦娇艳。

菊花：《礼记》“季秋之月，菊有黄花”，时惟菊开应节。向有旗人刘成和善养之，褚色俱备，至冬犹盛，

荷花：《诗》谓之<卅丞>苕，《尔雅》谓之芙渠，今名莲花。有红、白二色。

向日莲，独茎，顶作黄花，大如碗，向日转亦名葵。

果之属

松子：按《本草》，松子出辽东及云南，今乌喇宁古塔山中有之。

香瓜：即甜瓜，《礼记》为天子削瓜，指此。今礼部供祀有瓜圆，向有银皮瓜、芝麻粒、高丽瓜诸名，今密瓜尤佳。蒂入药，名苦苧香。

西瓜，相传种自回纥。今种自云南，哈密来者味尤胜。其味酸而子大者名打瓜，专取子充用。

棠梨：即杜梨。味甘酸不一，有赤、白二种。

葡萄：园产者大而味佳，有紫，碧、圆、常之别。田产者实小味酸，有黑、白二种，其尤小而深黑者即《诗》之奥，

灯笼果：外垂绛囊，中含赤子如米樱，俗呼红姑娘。

王瓜：生于端阳，形长而细，满身俱刺，生而可食，为钜粗者曰获子。

禽之属

雉：《尚书》谓之华虫，《礼经》谓之疏趾，今呼野鸡。

鹊：一名灵鹊，开户必背太岁，如岁多风则巢下枝，俗呼喜鹊。

燕：有越燕、胡燕两种，今土人以善构巢者为巧燕，不善构者为拙燕。凡燕，秋后多蜚山崖之内，至春始苏，来依人檐屋间，来去皆以社时，故曰社燕。

兽之属

山羊：生山中，似羊而大，善各山，皮灰黑色。

虎：诸山皆有之。边外间有白质黑章者尤猛鸷，围中以激打枪手制之，

马鹿：一名八叉鹿，

豹：獐类，色苍赤。又黑龙江地方每冬有白项野豹，从海边来，不可胜数，形比内地微大，但味稍腥。

狼：皮毛青白者贵。国朝品官坐褥冬用皮，有定制，一品用狼，二品用獾，三品用貉，四品用山羊，五品以下用白羊皮，公、侯极品用虎豹皮。

獾：似狗而矮，体肥行钝，皮宜裱褥。

野狸：狐类，口色苍黄有斑，似猫善搏，俗呼野猫。

猓猓：类野狸而大，耳有长毫，白花色，小者曰乌伦。

狐：色赤而大，夜击之，火星进出。毛极温暖，集腋为裘，尤贵重，元狐出下

江，大于火狐，色黑毛媛，最贵。

貂鼠：近东北边者色黄，边外色紫黑，皮甚轻媛。打性人于雪天寻其迹而捕焉。

灰鼠：灰白为上，黑者次者（之）。

水族之属

胖头鱼：鳞口皆巨形，背图黑脊，白色而大。

细鳞鱼：圆身细鳞，多出山流狭处。

岛子鱼：头尖色白。

鲫鱼：头小而身扁，大不过二斤，今时贡之。

哲绿鱼：似鲈鱼，色黑，出宁古塔牡丹江。

水獭：形似狗而小，长尾，色青黑，水居食鱼。将取鱼必先祭，故《月令》云：正月獭祭鱼，獭穴必预度水所不至，故乡人以是为潦水之候。

大发哈鱼：宁古塔诸处有之。秋八月白海迎水入江，驱之不去、充积甚厚。土人竟有履鱼背而渡者，腹中子大如玉蜀黍，边地人取鱼炙乾积之如粮，

蜂：俗以在地作房者曰土蜂，大黄峰曰马蜂，酿蜜者曰蜜蜂。

蜾蠃，亦名土蜂，纯雄无雌，负桑虫而多子，即螟蛉也。

蟋蟀：似蝗而小，正黑光泽如漆，善跳好斗，秋后则鸣，《尔雅》谓之蜚。一名促织，俗呼趋趋，又灶马、促织。好穴于灶，亦名灶鸡，

蝶：形色黄白，大小不一，皆虫所化。山中蝶大如掌，采色斑烂，子即山蚕也。又花树间岩之大者，暑时置热石上，辗转久之即可也化蝶。宁古塔户口光緒十四年现查八旗户六千七百七十二户，披甲，闲散西丹男、妇等三万二千八百八十三口。

民籍户一千七百五十三户，男、妇九千五百二十三名，口，官庄户八百九十五户，男，妇二千八百二十四名，口。

光緒十七年二月二十八日